

Serie A N.º 1175879

SESIÓN EXTRAORDINARIA CELEBRADA POLO PLENO DO CONCELLO O DÍA
6/XUÑO/2000

SUMARIO

Interior

- 1.- APROBACIÓN DEFINITIVA MODIFICACIÓN DO REGULAMENTO DO MERCADO DE ABASTOS DE REDONDELA

Economía, Facenda e Desenvolvemento Local

- 2.- DICTAME DA COMISIÓN INFORMATIVA DE ECONOMIA, FACENDA E DESENVOLVEMENTO LOCAL S/ ESCRITO PRESENTADO POR ALMI, S.L. CON DATA 13.04.00, NÚM. REX. ENTRADA 2507.-

Sanidade

- 3.- DICTAME DA COMISIÓN DE SANIDADE E MEDIO AMBIENTE SOBRE CONVENIO DE ADHESIÓN POR PARTE DESTE CONCELLO Ó CONVENIO MARCO ASINADO ENTRE ECOEMBES E A COMUNIDADE AUTÓNOMA DE GALICIA.

Na Casa do Concello de Redondela, sendo as vinte horas do día seis de xuño do ano dous mil, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D^a. AURORA ALONSO MONTEAGUDO, D. FRANCISCO ANTONIO LAGO MELÓN, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día remitida a tódolos Sres/as Concelleiros/as, coa antelación legalmente requerida.

A proposta da Presidencia a Corporación posta en pé, gardou un minuto de silencio polo asasinato no País Vasco do Concelleiro do PP, D. Jesús M^a. Pedroso.

A Presidencia declara aberta a sesión en primeira convocatoria, procedéndose a trata-los puntos da Orde do Día.-

1.- APROBACIÓN DEFINITIVA MODIFICACIÓN DO REGULAMENTO DO MERCADO DE ABASTOS DE REDONDELA.

Pola Presidencia dase conta a este Concello Pleno de expediente tramitado para modificación do Regulamento do Mercado de Abastos.



EL NUMERADO
CORPORACIÓN
LOCAIS

Consta no expediente acordo adoptado, por unanimidade, en sesión ordinaria celebrada polo Concello Pleno en data 30 de marzo de 2000, no que se aproba proposta da Comisión Informativa de Interior de data 21 de marzo de 2000, en relación cunha nova redacción do citado Regulamento modificando ó mesmo, e aprobándose en consecuencia inicialmente o referido Regulamento.

Asimesmo figura no expediente anuncio deste Concello publicado no B.O.P. núm. 77 de data 19 de abril do 2000, sometendo o citado Regulamento ó trámite de información pública por prazo de 30 días, sen que durante dito periodo se presentaran reclamacións contra o mesmo, o que consta no expediente en tal sentido, en virtude de certificación expedida polo Sr. Secretario.

A vista do que antecede, **este Concello Pleno**, por unanimidade, dos/as Sres/as Concelleiros/as asistentes acordou prestarlle a súa aprobación definitiva o Regulamento do Mercado de Abastos de Redondela.

2-DICTAME DA COMISIÓN INFORMATIVA DE ECONOMIA, FACENDA E DESENVOLVEMENTO LOCAL S/ESCRITO PRESENTADO POR ALMI, S.L. CON DATA 13.04.00, NÚM. REX. ENTRADA 2507.-

Pola Presidencia dase conta da proposta formulada polo Presidente da Comisión Informativa de Economía, Facenda e Desenvolvemento Local, de data 1 de xuño de 2000, dictaminada favorablemente pola Comisión Informativa, que di:

Visto o expediente administrativo instruído a instancia de ALMI, S.L., segundo escrito formulado con data 13 de Abril de 2000, núm. Rexistro de entrada 2507, o Concelleiro que asina ten a ben propoñer a adopción dos seguintes acordos:

PRIMEIRO.- Resolver, ó abeiro do establecido no Artigo 198.2.b) da Lei 39/1988 de 28 de Decembro, Reguladora das Facendas Locais, os reparos formulados polo Sr. Interventor no seu informe de data 31 de maio do 2000, núm. Rexistro de Entrada 3458.

SEGUNDO.- Abonar a ALMI, S.L., a cantidade de 3.400.220.-Pesetas, en concepto de diferencias por revisións contractuais non realizadas ata o día 31.01.00.

TERCEIRO.- Establecer (de conformidade co informe favorable ao respecto do Secretario Xeral deste Concello, do 10.05.00, que figura no expediente) como novo importe contractual a partir do día 01.02.00, a cantidade de 4.103.771.- Pesetas, IVE incluído, por tódolos traballos contratados por este Concello coa empresa citada.

Pola Presidencia ábrese o correspondente turno de debate.

Concedida a palabra pola Presidencia polo Concelleiro Sr. Pazos Docampo, maniféstase a súa conformidade co dictame emitido pola Comisión Informativa correspondente neste asunto da orde do día.

Serie A N.º 1175880

Concedida a palabra pola Presidencia polo Concelleiro Sr. Conde Romero, se sinala que por acordo Plenario a Empresa Almi, S.L., subrogouse nos dereitos e obrigas da empresa Limper, S.L., indicando por outra banda que xa no mes de febreiro se sabía que o servizo era ou non rentable, parecéndolle estrano que despois de seis meses se diga que ten perdas e pide que se lle rescinda o contrato á Empresa Almi, S.L. e máis tendo en conta que están a rematar as clases nas escolas.

Continúa a súa intervención o citado Sr. Concelleiro decindo que Almi, S.L. se subrogou nas débedas a empresa anterior, e pide que se paguen as débedas atrasadas coa Seguridade Social, preguntando quen pagou as débedas atrasadas antes citadas xa que nesta data se está o día.

Remata a súa intervención o citado Sr. Concelleiro manifestando que mantén a postura manifestada na Comisión Informativa, e que non é serio e responsable o que se intenta facer pedindo que a actuación do Concello se axuste o Prego de Condicións, e senón que se lle rescinda o contrato, decindo que senón haberá algo detrás de todo isto.

Concedida a palabra pola Presidencia ó Concelleiro Sr. González Iglesias, polo mesmo maniféstase que a Limper S.L. se lle retraían dos pagos efectuados por este Concello á Empresa citada as débedas da mesma coa Seguridade Social, e continúa a súa intervención o citado Sr. Concelleiro decindo que é certo que Almi, S.L., se subrogou nos dereitos e obrigas de Limper, S.L., pero o que se fai agora é unha revisión de prezos según contempla o Prego aludido e polo que subrogou no mesmo a Empresa Almi, S.L..

O citado Sr. Concelleiro, González Iglesias, fai alusión asimesmo o equilibrio financeiro da Empresa Almi S.L., xa que desde que esta Empresa se fixo cargo do servizo cambiaron as condicións xa que agora hai traballadores a xornada completa o que non ocurría con anterioridade, pretendéndose con esta revisión de prezos o equilibrio financeiro da Empresa Almi, S.L., xa que de non aceptarlle a revisión citada se correría o risco de quedarse sen servizo no último tramo do curso, facendo fincapé en que ademais o servizo ten un coste baixo.

Concedida a palabra polo Presidencia polo Concelleiro Sr. Pazos Docampo, insístese na necesidade de conseguir o equilibrio financeiro da Empresa Almi, S.L., amparado legalmente polo informe do Sr. Secretario, aludíndo finalmente que a Empresa de referencia debe de cobrar polo servizo que a mesma presta.

Concedida a palabra pola Presidencia polo Concelleiro Sr. Conde Romero, sinalase que a Empresa Almi, S.L. vai a cobrar con efectos retroactivos e que a Empresa anterior incumpriu o Prego de Condicións non executando o Concello o aval da mesma, e remata a súa intervención indicando que a adxudicación é a risco e ventura do Prego de Condicións, decindo que isto non hai por donde collelo, manifestando doutro xeito que someterá este asunto á Asesoría Xurídica do PP., porque non lle parece a solución dada o mellor para o Concello, pedindo doutro xeito a execución dos avals de ambas Empresas.



Concedida a palabra pola Presidencia polo Concelleiro Sr. González Iglesias, maniféstase que hai que facer agora o que debeu facer antes a Corporación anterior indicando que os servizos económicos ten intención de executar o aval a Empresa Limper, S.L., e remata a súa intervención decíndo que según xurisprudencia e en virtude do principio de risco e ventura é procedente restaurar o equilibrio financeiro.

Non habendo unanimidade de criterios pola Presidencia sométese este asunto a votación.

Efectuada ésta obtívose o seguinte resultado: Votan en contra da proposta dictamada favorablmente pola Comisión Informativa citada os/as Sres/as Concelleiros/as do PP (7); votan a favor da mesmo os/as Sres/as Concelleiros/as do PSdeG-PSOE (9) e os/as Sres/as Concelleiros/as do BNG (4). Na súa consecuencia, por maioría de votos resultou aprobada a proposta antes transcrita.

Neste intre incorpórase ó Salón de sesión a Concelleira do PP., Sra. Alonso Monteagudo.

3.-DICTAME DA COMISIÓN DE SANIDADE E MEDIO AMBIENTE SOBRE CONVENIO DE ADHESIÓN POR PARTE DESTE CONCELLO Ó CONVENIO MARCO ASINADO ENTRE ECOEMBS E A COMUNIDADE AUTÓNOMA DE GALICIA.

Pola Presidencia dase conta do dictame da Comisión Informativa de Sanidade e Medio Ambiente, en relación á adhesión do Concello de Redondela ó Convenio marco asinado entre Ecoembes e a Comunidade Autónoma de Galicia, de data 2 de xuño do 2000, que dí:

Pola Presidencia se da conta da necesidade de asinar o "Convenio de adhesión do Concello de Redondela ó convenio marco asinado entre Ecoembes e a Comunidade Autónoma de Galicia", co fin de levar a cabo a recollida selectiva dos envases contidos nos residuos urbanos de maneira eficaz, económica e acorde coas esixencias medioambientais de Redondela.

Os membros asistentes á Comisión Informativa de Sanidade e Medio Ambiente, en votación ordinaria e por unanimidade dos señores asistentes dictaminou favorablemente os seguintes acordos a adoptar polo Concello Pleno:

PRIMEIRO.- Resolver (ó abeiro do establecido no artigo 198.2 da Lei 39/1988 do 28 de decembro, Reguladora das Facendas Locais) os reparos formulados polo Interventor Xeral do Concello no seu informe do 19.05.00, referencia T42/00.

SEGUNDO.- Adherirse ó Convenio marco asinado entre Ecoembes e a Comunidade Autónoma de Galicia, coas melloras que no sucesivo se acorden entre Sogama e os demais Concellos, asumindo en principio os seguintes compromisos:

- 1.- Recollida selectiva monomaterial de papel-cartón.

Serie A N.º 1175881

1.2.- Recollida selectiva porta a porta de envases de papel-cartón

1.3.- Compromiso de retirada e reciclado dos residuos do papel cartón procedentes da recollida selectiva Monomaterial.

2.- Recollida selectiva multimaterial de envases lixeiros.

O Concello de Redondela, designa á Empresa Urbaser como xestora da recollida selectiva monomaterial de residuos do papel cartón e multimaterial de envases lixeiros coas características que se sinalan no Convenio de adhesión según o programa de envases usados e xestión de residuos de envases.

O presente convenio de Adhesión entra en vigor á sinatura deste, e ten unha duración ata a data na que expire o Convenio Marco ó que se adhire, podendo ser prorrogado nos mesmos termos que, se é o caso, sexa renovado o referido Convenio Marco.

Facultar ó Alcalde para que asine o convenio a suscribir.

Asimesmo, pola Presidencia dase conta da emenda da Concelleira-Presidenta da Comisión de Sanidade e Medio Ambiente, en relación co dictame da Comsión de Sanidade e Medio Ambiente, relativo á adhesión do Concello de Redondela ó Convenio Marco asinado entre Ecoembes e a Comunidade Autónoma de Galicia, de data 5 de xuño de 2000, que dí:

Visto o dictame da Comisión Informativa de Sanidade e Medio Ambiente sobre a adhesión do Concello de Redondela ó Convenio Marco asinado entre Ecoembes e a Comunidade Autónoma de Galicia no apartado SEGUNDO engadase o seguinte:

"Facultar ó Alcalde para que asine no futuro calquer mellora ou modificación no programa de recollida selectiva deste Concello."

Este Concello Pleno, por unanimidade dos/as Sres/as Concelleiros/as acorda prestarlle a súa aprobación o dictame e emenda antes transcritos.

E, non habendo máis asuntos que tratar, pola Presidencia dase por rematada a presente sesión, sendo as vinte horas e trinta minutos da data fixada no encabezamento, en proba de todo o que, se estende a presente Acta, que se inscribiu no Libro dende a o folio setenta e sete do Papel Timbrado da Comunidade Autónoma de Galicia, Seire A nº 1175879, ata o folio setenta e nove, Serie A nº 1175881, de todo o que, como Secretario, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez



EL NUMERADO
CORPORACIÓN
LOCAIS